


澹
堂
集

七



字

辛丑春余過廣陵與孫豹人先生定交一見如宿昔久之歸貽詩見贈戀戀不忍別癸丑春先生訪我於長安雖職務填委每與先生相對論詩則必移日戊午秋上有博學弘詞之選先生以應

召至京師寓蕭寺中與余居比隣亦數數聚首試竣上以中書待先生是時中丞趙玉峰爲梓先生集屬余爲序余以趨走不暇久未有以應也壬戌冬余居白下先生過訪匆匆別去癸亥夏余避暑武昌而先生亦至依制臺董公幕中甲子春制臺捐館先生無所歸且云南遊衡湘北至燕薊蓋其悲憂窮蹇意中結轡不可道

之事形於顏面相向歎息而已因出漑堂後集見示且問前序余不敢辭余聞海內諸君子論詩者云豹人先生得力在一朴字夫朴豈易言哉江海所以爲百谷王者渺漫無際窮歲累月而不能望其涯際以其朴也黃河水來天上行於地中九折注海而流不絕亦以其朴也若夫鑿盆沼以引清泉濬池塘以時雜卉此雕繪之見耳惟先生之詩如江海黃河之大且遠讀之者絕無悅耳奪目新奇可喜之觀而中所蘊藉人亦莫得而測之蓋其元氣渾淪如江之始流於岷山黃河之發源於崑崙雖支分川匯而總歸於海以故波瀾老成絢爛極於平淡其喜怒哀樂之迹不見於語言而使人會心於

意言筆墨之外此詩之所以朴朴之所以不可及也嗟
乎先生秦人也寄居廣陵窮老無歸以謀生不暇日奔
走於燕趙魯魏吳越楚豫之郊其所閱歷山川險阻風
土變異及交友世情向背厚薄之故皆一一發之於詩
以鳴不平而舒怫鬱而先生若將忘焉殆久進於道耶
夫詩亦自道其性情耳高才淪落者無歎老嗟卑之辭
而見有旣遇者恒悲歌當泣有惟憂用老之感焉其亦
皆有所不得已於中耶昔人論太史公史記惟一繫字
而海內論先生詩者以朴之一字蔽之其推尊也至矣
詩豈易言哉康熙甲子孟夏邾城弟王澤弘拜撰

序

別豹人先生五六年天外冥鴻不可踪跡益未嘗一日忘漑堂也癸亥秋奉使過華山意先生家於秦倘得策杖同登驚人句豈必定思謝朓乃遙望蕪城悵惘者彌日今春放舟南下客有言先生在武昌者亟渡江訪之握手問勞不知身之在客也相與遊洪山登黃鶴樓尊酒縱談因得盡讀別後諸詩大畧數卷中歲不多作而古健質直旨趣遙深卽偶然贈荅之作亦感慨蕭涼各有其故於陶杜間自出一手筆薑桂之性老而愈辣詩固如其人耶余自力疾西行棧雨蠻雲脩歷艱險雖山川靈竒足供眺詠而良朋契濶筆墨所寄以詩爲侶而

已豈意盤旋萬二千里乃復有故人哉然則是行也於
山見二華終南棧閣瞿唐之勝於水見滹沱汧渭涪閬
巴峽之奇而又得遇先生且讀先生之詩舟車勞勞差
可以無憾矣先生不得志買舟浮洞庭沂長沙將復遊
京師夫自先生之歸輦下諸公相望久矣余旦晚還
朝待先生於慈仁松下出新詩讀之其於陶杜間又不
知更何如也睦州弟方象瑛拜識

先中翰公生於前明萬曆庚申終於今 康熙二十六年丁卯正月穀旦得年六十有八生平著述甚富已未歲以六科書雲李公等疏名公薦應

上博學弘詞之名攜所作稿本入都會少宰玉峯趙公時爲考功郎相見歡甚傾笥倒篋校讐付梓其刻於京邸者旣堂前集九卷續集六卷文集五卷詩餘二卷久已流傳海內矣自巳未秋

陞辭還山迄丙寅凡八載得詩二千餘首痛自刪割存十之三釐爲六卷藏於家以余兄弟舌耕餬口無力殺青時以不能繼述爲憾邇年來懷豐瞻魯漢威寄南四兄長相繼下世余旣傷先澤之久湮又悲棣華之徂謝

形神俱瘁顛毛半白撫卷太息不禁涕泗交頤也今年夏偶與家姪永公名居貞者文讌之暇談及漑堂後集諸未刻稿本慨然力任剞劂始於季夏竣於仲秋不三月而削氏告成嘻先中翰公辭世三十有五年矣手澤宛然不克卽梓行世今成於吾姪永公之力蓋亦有數存焉永公年少力學閉戶遁跡將來繼漑堂而興其爲欣幸又何如也余因叙述及之不欲殫善云爾先中翰公詩集已遵諸先達手訂悉登梨棗所未梓者尙有漑堂隅說四卷經書廣義四卷古今稱謂彙編若干卷仍俟有力者商確成之愧余不肖有志未逮也

康熙辛丑歲中秋後五日男匡薰沐百叩敬識

漑堂後集目錄

卷之一

思悲翁 門有車馬客行 墻上難爲趨行 鷄

鳴曲 長安道 少年行 詠懷十三首 在京

荅親友 爲王貽上題所藏畫 紀孟起職方屬

題畫冊 家惟一學士五十初度 題松萱圖壽

姜西溟母孫太孺人二首 留別方一峰伸 人

瑞篇 壽羅母葉太孺人二首 送汪扶晨歸新

安二首 贈季調御 程母詩三首 題季調御

小像 喬雲漸見示悼亡詩及祭文因作此歌奉

慰 更衣曲擬劉夢得 元日全毛大可陳其年

朱錫鬯汪舟次喬石林吳天章集飲曹頌嘉齋中
同用青咸韻二首 喜梅耦長至次施尚白使君
韻 出處 久客都門旁觀知警而作 吏部奉
旨議授布衣六人正字職銜枝蔚與焉因紀此
奉酬王貽上侍讀見賀授正字職銜放歸故山
次來韻 爲尤展成翰林悼曹孺人四首 部議
初授布衣及生員貢監生年老者六人爲司經局
正字疏上 上特命進內閣中書舍人復增未與
試者二人同授是官再紀二詩次韻荅陸冰修處
士贈別詩六首 李屺瞻見賀進銜中書值六十
初度兼送南還次韻奉酬六首 爲黃大宗題易

居 嘲友 歸舟已買喜賦 朝眠 和黃山谷
擬省題二首

卷之二

贈王涓來宮詹 花朝前社集曹正子寓園分得
涼字觀字二首 趙元升濬登第 將歸江都留
別王金鉉司勳二首 歸興四首 六十紀事
奉酬梁玉立大司農送歸揚州詩 午日雨中丘
曙戒廷尉招同諸子飲白雲草堂時余同鄧孝威
南還兼承卽席贈別之作賦此奉酬二首 送李
屺瞻被放後歸里省覲次贈別原韻二首 揚州
送徐原一贊善服滿還朝 黃九烟再至揚州偶

得首句屬和 吳賓賢示陋軒集飢餓中讀之連
日夜不倦因題此於卷末 歉歲 哭無言宗兄
二首 題獨樹軒贈真州許明府石園親家十絕
第四子昂十二歲相對有感而作 出京三首
山人 元日早寢施尚白使君王貽上侍讀同
梅耦長吳天章洪昉思諸子頗見怪訝且拉之作
踏歌之遊燈火蕭然敗興而返因成二絕 處士
三人被 召不至美之以詩各一絕 濁翁自贈
題喬石林行樂圖三首 留別房衍公二首
和葉九來長安憶鶴詩 飲丘曙戒季貞寓齋題
查二瞻畫二首 題顧斯澹小像二首 戴楓仲

因夢名其讀書之閣曰丹楓閣屬題二首 歉歲
久不食餅月下聞童孫戲語漫成一絕 莫自取
誠兒 米貴冬日早行經過田家述所見 歸途
將至汶上作 冒孝子行 秦母行 贈郝中丞
雪海二首 王子側歸里廣陵諸同人各賦八韻
贈別數日後余自真州歸來追和却寄 送仁趾
北上次吳賓賢韻五首 聽程隱菴雄彈琴 房
貞靖公祠堂雙白松歌兼寄呈令子與公 小桃
樹 老妻病愈設餅祭神憫其儉不忘恭也因有
作 謝受旃餉鱖魚鮓臘醅酒 繡毬花 劉介
菴自閩中典試歸過江都見訪携所刻全省闡墨

惠示諸兒 陳觀察夫人輓詩 寄懷焦公子大

夏 客真州看牡丹花有感 與客賞牡丹花疊

前韻二首 哭凌蔚候二首 贈周榕客 程飛

濤四十 寄懷真州許明府石園親家郝雪海中

丞真州署中梅花二首 真州南郭二首 暮春

雨中汪梅坡翰林招同紀伯紫飲寓齋分得元字

李樗人招同紀伯紫袁受旃飲臨江酒家 送

江辰六赴益陽縣任二首 閏中秋同涂子山鄧

孝威查二瞻吳蘭次桑楚執宗鶴問華龍眉諸子

飲閔于天春星草堂 貧日偶憶辛稼軒事有述

雪中對穉兒匡有詠 贈田綸霞督學江南

吳蘭次始歸江都移居次余澹心韻四首 哭郝羽吉二首 同宗定九黃仙裳夜過陳君三宅留飲

卷之三

元夕汪叔定招同冒青若饒白看韓醉白王豐垣飲臨街小樓觀燈兼有懷令弟季用六首 題顏佳醕小像二首 老人 送劉開生西歸四首

題程隱菴小像 謝喬雲漸惠木瓜酒 書離騷後 書陶詩後 書谷音後 書月泉吟社詩後

題茶坊牡丹三絕示同遊李樗人袁受旃其和之 與汪汝爲坐江深閣三首 送吳山若之姑

蘇四首

汪子真惠畫扇三首

次韻荅汪梅坡

翰林送炭

寄懷郭飲霞推稅九江

初夏雨後

程穆倩招同姜勉中學在曾錫侯吳仁趾飲秦淮

寓亭各賦八韻分得浮字

曾錫侯携具過寺寓

次杜于皇訪錫侯韻

題吳介茲一硯齋

朱喬

三母費太孺人貞節詩三首

送宗鶴問赴貴池

訓導任

贈友

王解子夫婦和吳賓賢

江都

池烈女詩和吳賓賢

吳氏和賓賢

元宵月蝕

歌飲閔于天崧宅

腹劍辭和李西涯

新豐行

和李西涯

吳門陋巷行和方爾止

題朱雪鴻

所作沛國朱氏傳贊後

曾錫侯招同杜于皇柳

公韓泛舟秦淮二首 哭季希韓四首 訪周子
佩留飲霜英堂同徐松之作 米堆山懷薛公同
徐松之作 與徐松之過休休菴留題 過清嘉
坊訪王大席司教吳縣 贈王大席二首 紅橋
客舍酬徐松之見贈詩 寄懷王貽上祭酒 寄
懷汪叔定 元夕飲閔于天宅分韻得移字 題
仙舟圖次黃仙裳韻 哭顧斯澹二首 再至金
陵訪周雪客留飲二首 贈金長真觀察 爲吳
介茲題節霞閣 寄賀房興公親家改補侍御
題李匡侯大叅詩後二首 過方爾止故居 登
鍾阜有懷陳同甫 訪池州太守俞武功有贈